

**3rd CHUUK STATE CONSTITUTIONAL CONVENTION  
Weno, Chuuk State  
Federated States of Micronesia 96942**

**Journal of the Constitutional Convention**

**50th Day (Friday)      August 13, 2004      10:00 a. m.**

**CALL TO ORDER**

**President Noket:** A suk mwich, iei fansoun iotek, emon me emon.

**SILENT PRAYER**

**President Noket:** Secretary, koko it.

**ROLL CALL**

Secretary, a kokori iten emon me emon Delegates, Mr. President, ukukun Delegates ir mi polueni iter non ei leolowasan 11, 3 rese nom, mi quorum.

**President Noket:** Kinisou chapur Secretary, Floor Leader Harper.

**ADOPTION OF JOURNAL**

**Floor Leader Harper:** Mr. President, ua fori motion pwe mwichenap epwe mwo puan witiwitino an angang won nouch Journal, August 12, 2004 fan iten esap mwo tawe. (second)

COW

**Chairman Sitan:** e lapolo naun eu ika 30, thousand ika let's say 40 thousand. Ren ei Compact II, ika extended Compact mi afat pwe any project epwe in accordance to a plan epwe approve seni iokewe repwe approve-ni. Nge are pwe sii fix-ni epwe ne chok divide on municipalities, ekkewe kukun fanu ina epwe 10,000 wiser ai luku. Epwe weires ar repwe submit anything nge epwe approve ren sipwe ura GEMGO. Ina popun sie tungor ika epwe tufich meren Regional pwe are ekkewe kukun fanu remi tongeni, tungorei ekkewe ekkoch fanu watte, ouse mochen oupwe alisikem lon en fansoun. Pwe epwe tawe ngenikem, running watter, iwe murin ina mwo ren next year. Ina ena intention. Nge ren en petition, that's different, nge ren chok ewe change seni municipality ngeni en Region, ina popun pokiten en moni mi kukun. With due respect to Delegate Nelson, ngang ma mi puan weweiti ewe pwe fonuwer kewe mi watte. Ai we - iwe ar share epwe watte. Nge ei sie accommodate ekkewe small municipality. Kilisou.

**President Noket:** Chairman Rosokow.

**Chairman Rosokow:** Kilisou chapur Mr. President, ngang ikan akanchangei ren ekkewe - wesewesen esap mwo fakkun kuu \$30.00 ika \$40.00 eu me eu ika pwe repwe happen pwe epwe wor inetin ekkewe fonu. Nge ise - fansoun a kan fór - repwele fór proposal, ika pwe repwe go by proposal. Iwe ekkewe mi pass ar, ekkewe mi - ekewe ra

kan sile forun ekkena proposal, wewen pwe iir chok repwele akangei ekkena - iwe iira osupwang ekkewe lon fitu ier resap mwo receive eu kappa.

**Chairman Nifon:** Usun met ewe sia fen fat won me akom nounoun ekkewe moni epwe punguno meren leaders lon ekkewe region. Iwe North West, ese tongeni forano nounoun wisemi ika kose nomw. Soposopono poraus. Floor Leader.

**Floor Leader Harper:** Ren chok ii sipwe pual aliwini ma ach pual ekis awewe ika epwe wor pual weweoch. Ika pwe epwe wor ei 40% epwelo ngeni ach kewe region. Iwe ika ma metena formula epwe fis lesor me ponol, iwe a wor wisen North West. Iwe ami we leadership lon North West, oupwele chufengen, iwe oupwe plan out met oupwe nounou ngeni ewe moni a lo ngeni kemi. Are ouwa tipeew fengen pwe lon ei oupwele ngeni Nomun Weito, fan iten pekin konik ika, pekin sewer. Iwe a for a design ewe plan - a tonong a incorporate lon an State we. Iwe State a pachengeni, wata National Government, ma with the justification. Iwe lon enan a pual etto ewe next FY, ouwa puan chufengen won wisemi we. Ouwa era pwe iwe lon ei sipwele ngeni Pafong fan iten Kasoro. Iwe a puan ina a puan tolong lon an State we, a pual ma - kapas awewe chok. Iwe ese wor eu fansoun eu chok fanu ika eu kinikin lon ami we region epwe era pwe sia ien, iwe a tawe apw. Ina ma ika ouwa - Nomun Weito a era pwe am oupwe ne wani efoch Toropito, iwe ma a puan tonong lon ewe plan, a ma fetalo. Esap wor omw nuokus ren pwe awewe ika pwe eu - chon Pafeong chok ra pungu fengeni iwe ita ra walong ren State pwe ien mwa nounoun noun North West we, iwe ami oupwe ma challeng-ni oupwe ura pwe apw, esap pungun ewe Ledership.

**Chairman Nifon:** Delegate Raymond:

**Delegate Raymond:** Kilisou Chairman, ngang upwe puan ekis minata - ai luku mi puan tawe ika sipwe puan read-natiw ekis ekkwan wordings ina mi fen fat me fan. Upwe puan alisi ai nan colleague, ina ma eura pwe, All regional allocations shall be in accordance to an approved Plan by each region's leadership. Wewen nge ma ren an North West in met Floor Leader a aporaus, ina wisen ma region epwe ma approve - epwe ma seni ach kei leadership. Iwe nge ma met epwe tipeew ngeni pwe ma, puan eu, ika ai sani. Pokiten ei courage epwe wor ach sipwe tongeni chufengen. Instead of - epwe inan, ina pwata ai luku met mi mak lon nouch en meen iei, ai luku a meen och pwe ma what I said is encourage a give incentive ach sipwe tongeni chufengen. Iwe sia tongeni poporaus met epwe tongeni tawe ren. Nge ai kapas ais ika - ewer mi wor ekkei fears ren ma our way of doing it, ei ma mi wor epwe kirikiringaw, mi wor ekkei mi sola lon ar angang, ina pwata mi wor ekis - ai nan colleague mi wor fear pan ren Delegate Nelson. Ewer ina pwata ekkei poraus uwe wata ai luku sipwan expressni ifan met mi fis iei. Iwe nge ma iei lon nouch ei proposal iei, iwe meinisn met epwe katouu, nge epwe nom won ewe regional leadership ren nounoun eu me eu region. Ai luku mi pwokun fat ren porausan.

**Chairman Nifon:** Iwe a naf ach weweiti CD 3-07; Chairman Mori.

**Chairman Mori:** Ewer kinisou. Iwe upwe chok mwo ii ani fonuwom ei awewe.

Ren wisen Northern Namoneas, a nom non ewe plan pwe Weno, epwe ani lon ei year, noun - wisen ewe region we. Nge State a puan awora puan eu an puan project won Weno ei chok puan. Iwe a tongeni ani me ruu, mei iei usun wewen. Upwe mwan eis ngeni ewe introducer. Usun a tonano ewe esap chiwen ani ika pwe epwe an ewe State Project.

**Chairman Nifon:** Chairman Sitan.

**Chairman Sitan:** Mr. Chairman, ewer ina pokiten a cross out ena line 16, iwe ina mi pung an Delegate Mori interpretation.

**Chairman Mori:** Nge ika a - ika upwe chiwen sotosopono, Chairman ika ke mi chiwen mut ngeniei.

**Chairman Nifon:** Ewer, sopweno.

**Chairman Mori:** Kinisou, ika Piis-Paneu a puan ani ewe State Project, nge a puan wenengeni fansoun epwene puan ani ei meen. Iwe a puan nouni unusen noun Northern Namoneas we kapach an State we Project epwan totiwon Piis-Paneu, puan iina usun. Kinisou, ewe introducer iei a chimwechim, kinisou chapur. Uwa weweiti.

**Chairman Nifon:** President ika mi puan wor met kopwe, iwe a naf ach weweiti ei. Sipwe mwo asoso.

**Committee of the Whole a asoso, a puan popusefanita.**

**Chairman Nifon:** Kinisou pwe a naf ach weweiti CP No. 3-07;CD3. Sia sotosopono won nouch na teten. Sipwe sotosopono won CP No. 3-21; lei fansoun a suk poraus.

**Floor Leader Harper:** Osupwang mwo, Chairman.

**Chairman Nifon:** Ewer, met omw na osupwang.

**Floor Leader Harper:** 3-21; won met ewe?

**Chairman Nifon:** Etten, ami meinisin mi wor noumi? Iwe iei fanosun a suk discussion won CP No. 3-21;CD3. Floor Leader Harper.

**Floor Leader Harper:** Ngang uwe mochen upwe pwarata miefiei won ei proposal. Aewin lon ai nenengeni ei mettoch, iwe ita uwe ekieki pwe usap tipeew ngeni. Alongolong won ekkei popun pwe merei uwe ura pwe ese fakkun wor popun an Chuuk unus repwe puan utut won ika mochenni Etten an epwe winiti eu Municipality. Iwe uwe ekieki pwe - awewe ika pwe a wor referendum lon ei March, 2005, nge chon pusin Etten me Tonoas ra tipeew fengen pwe Etten epwe le wiliti eu Municipality, nge unusen Chuuk refen vote otherwise. Iwe merei nge sipwe ne fen tipis ngeni chon ewe

neni. Iwe nge fansoun uwa silei pwe iei met pusin ma met mochenin chon Etten, alongolong won met uwa puan silei ra've been sotuni me satuni ewe eu process ren ar repwe - re ngeni Legislature are repwe anganga. Iwe nge fansoun a niwiniti ach we Municipal Council lon Tonoas, iwe ewe Municipal Council lon Tonoas a sit on ewe resolution ar repwe approve-ni an Etten epwe wiliti eu municipality. Iwe fakkun usun nge ita ai weweiti meren ekkoch out of desperation. Iwe iei ra tungor pwe repwele walong lon ei convention. Pwe ei convention epwele anganga ar repwele fiti ei eu aruen ma puan option. Ika pwe epwe kan mwan tawe ma ar ei mochen. Ina aewin popun me wewen a akasiwin ekieki ai upwele tipeew ngeni ar - an ei proposal epwele pass epwele loo ngeni chon Chuuk repwe puan fiti Etten me Tonoas le utut won an Etten epwe imulo epwe eu Municipality. Aruwan mettoch uwa pual tipeew ngeni ai upwele support-uni ei proposal, pwe ai lengeni chommongun chon ewe fonu Etten, iwe ia pual kuna nge chommong me leir puan ai friends. Iwe ewe pual emon uwa rorongorong pwe ita ekan plannini an pwe first Etten Mayor, puan ai friend. Ina puan met a esenipato ai upwele fakkun tipeew ngeni ai upwe support-uni ei mettoch. Iwe amuchulon mi puan chommong pwin puluwei kewe - puluwei we re nomw Etten, ir chon ewe ainang Souefong. Iwe ngang mi puan pepe ren fin Souefong, ina pwata uwa puan sani ei proposal. Kilisou chapur.

**Chairman Nifon:** President.

**President Noket:** Kinisou chapur ika sipwene chok uti ekkei proposal fan asengessin tetenin punuach, ika pecheriach, ika mi fen puan ii och an ma epwe nom lon record. Ina ma puan ach wewe non ei convention. Nge ewe kapas e tonong pwe chon ewe Council rese chok sit won ei proposal. Council-un Tonoas, amo usinei ika epwe fen met popun, ika mi fen wor ekkoch weweochun ika, sise sinei. Ina popun pusin chon Tonoas, ewe Leadership Tonoas rese tipeew ngeni. Ika ir ra amochu, epwe wor met re sinei nge sise sinei, ina ena ngang uwe - ika ekkewe chon hearing - awora ekkewe hearing ika ir mi sinei ika met popun re nom tori ikenai, rese winiti eu municipality. U mochen sipwe wewe och mwe mwen ach sipwe tongeni uwauu ach vote. Kinisou.

**Chairman Nifon:** Chairman Stephen.

**Chairman Stephen:** Kinisou chapur Mr. Chairman. Ngang upwe puan chok achocho ne ponueni an President we kapas eis. Mi pung enan kapas eis e wata. Non ai uwa nóó arongorong won Tonoas me Etten, iwe eu chok ii popun ar rese mochen Etten epwe imuno. Mi fen puan aro atakirikir, me usun ita eu tutunap. Non ach sipwe nenengeni pun, ara non uruwon Etten, iwe wewen mesen Etten, Tonoas. Wewen ina mesan Tonoas, wewen seni nom toto non ach sia uta non muun Chuuk, non pusin Tonoas, iwe Etten, ekan fis pwe - ina wewen nour kewe leaders napengeni non Etten ook non Tonoas, iwe seni Etten. Non mettoch meinisin, social and political. Iwe ina ena ra meen aweiresi ita an - ar repwe eu municipality. Ena eu wewe, ekkei popun ekkei minafon aramas, rese chiwen ma nuku pwe epwe ina nongonongun an Etten esap eu, esap develop, esap imuno pusin won an local affairs. Nge ir ra nuku pwe Etten mi separated by water from Tonoas. Sakopaten osukosuk aramasen Etten ir mi encounter ar repwe tonong mwo chok won Tonoas, pwe repwe go through ar nan

quarters. Spend gasoline, fen manum, akaewin puan ren pekin sukun, repwe etinong sukun. Nour semirit mi weires ar repwe etinong sukun, niwiniuu, pwe wewen chok nge re commute. Ina wesewesen ekkena osukosuk, me nukun ii political, other political reasons. Nge ina wewen ngang uwa fakkun pwapwa ren Floor an nan a sukauu mwich won enan ngingi, pwe sipwe ne ngenir repwe ne ma pusin sacrifice-ni met ekiakin aramasen Chuuk lon ei eu channel ika avenue. A ma pass, a pass, ese pass ra puan go back to the usual process, kinisou Mr. Chairman ren kan puan ena ekis aninis.

**Chairman Nifon:** Soposopono ika mi chiwen wor. Chairman Mori.

**Chairman Mori:** Kinisou chapur Mr. Chairman, ngang u mochen chok pwarata mefiei ren ai support-uni ei proposal seni nepoputan tori iei. Aramasen Etten they have a struggle usun met mi fen pwata meren Floor Leader. Ren ar ra ngang ngeni fansoun lakatam ar ra mochen epwe nee wor ren ewe pochokunen ar repwe pusin amokutu nonomur won fonuwer we. Sia puan kuna pun a fen fitu ika non ei mokutukutun angangen nouch ei Chunap non ei fansoun, ina kich mi minanong ewe eu a fen wes a fen wesino, nge puan non eu process. Ren ewe Legislative process an epwe imulo won an muu ren Piis-Paneu. Iwe the people of Etten already spoken through ewe petition ra fen sign-ei. It is their choice, iwe upwe tungor ngeikich pwe kich sisap amochusenir. Ar nan mochen ar repwe gain sovereignty won fonuwer, ar repwe pusin pungu nonomur. Iwe mei - mefiei mi och ei body epwe etiwa, nenengeni, tongei, ar ei tungor ren ach sipwe wanong ngeni eu step closer ngeni - ika eu step push ngeni ar nan struggle repwe achieve-ni ar ei goal. I support ei proposal in full, hundred percent for passage. Epwap pusin nemenien chon Chuuk unus are resap mut ngenir chon Etten ar repwe tour ngeni ar ei goal. Kinisou chapur, Mr. Chairman.

**Chairman Nifon:** sipwe mwo asoso.

**Committee of the Whole a asoso, a puan popusefanita.**

**Chairman Nifon:** Vice Chairman Wiliander.

**Vice Chairman Wiliander:** Ngang uwe fiti emon mwan re Etten, uwa angei uruwon met popun ese fis an Etten ei mochen, usun chok met ei mwan a apasa, iei upwene uranong. Iten ei mwan itan Sichiuo, ewe chon Marasong. E tungor sipwe anisi ar ei mettoch pwe repwe free ar repwe pusin amokutu ar ei government. Iei chok popun me wewen, kinisou.

**Chairman Nifon:** Chairman Sitan.

**Chairman Sitan:** Ewer, Mr. Chairman, ngang uwe ura me mwan pwe ngang use tipeew ngeni ei alapalap, pwe epwe set precedence iwe epwe poputa Chommong municipality - nge pokiten nei we Floor Leader, puan Chairman Mori ra tipeew ngeni ani upwele puan tipeew ngeni.

**Chairman Nifon:** Chairman Mori.

**Chairman Mori:** Kinisou, ngang upwe puan chok ii - upwe oponuwa met nei we Chairman a watta ren popun an ese tipeew ngeni ren ewe precedent an epwe set, mi fen afatafat non nouch ei Chunap, mutata ewe napanap. Mi wesewesen mutata, esap eu anapanapen ach sipwe - e nom nefinan, iwe a decided. Iwe a set pwe epwe ina eu policy ika epwe eu napanap. Iwe nge ei mi wesewesen afotofot non nuch ei Chunap pwe epwe ina susun mokutun eu municipality an epwe tongeni kefisita. Ika epwe fisita. Iwe ren osukosuken an epwe set precedence ren foforutan eu municipality, a ii wor non ei fansoun, pwe Piis-Paneu, Fono, a wor. Nge ika sipwe osukosuken fonu ren nusun, ina epwene chok Totiw, Mokurachik, puan meni ekkei chiwen fonu mi wor aramas won. Foueuu, ese wor aramas pwe Pwapwa chok me machang. Ousap orukorukaei pwe uwe anchangei ika epwe chiwen wor fonu, esap eu watten osukosuk epwe fisita. Ma neman pungun pwe ekkoch villages lon - won fonu repwe puan tongeni sano aar repwe winiti municipalities nge ei - ekkei conditions mi wor ren Etten, mi puan wor ren ekkewe meinisin ra fen winiti municipality. Kinisou.

**Chairman Nifon:** chairman Rosokow.

**Chairman Rosokow:** Ewer, ai luku ren an Etten epwe eu municipality epwe eu big gain ngeni Tonoas puan. Ewer relation esap destroy, mi chok sopouloso, ir mi chok go on, more money ika more benefit to Etten. Ina popun esap cost much damage.

**Chairman Nifon:** Iwe fan iten ach puan tongeni me tipeew ngeni pwe aramasen Etten ra fakkun riaffou non chommong ier, esa-ne ma tipeew ekiekich won ei meen pwe sipwene etiwang. Iwe kinisou pwe a tawe ena. Sopouloso won Committee Proposal No. 3-22; fansoun a suk memef. Chairman Mori.

**Chairman Mori:** Kinisou Chapur Mr. Chairman. Ei proposal iei ouwenaman epwe ekewini ewe maramen utut ika ewe general election. Ei use kon nien weweiti met popun July, a finita pwe ina ewe maram epwe siwin ngeni March. Ika emon epwe tongeni anisi.

**Floor Leader Harper:** Mr. Chairman.

**Chairman Nifon:** Floor Leader Harper.

**Floor Leader Harper:** Kilisou Mr. Chairmain ese nom ai luku ewe introducer won ei proposal. Nge ai weweiti chok met an mochen epwe kesiwin ewe maramen utut seni March ngeni July, fan iten e mochen epwe awena ngeni Summer. Pwe e akieki nge lon Summer epwe ekis puan ma lua won mataw. Akaewin ren puan chon ewe fonu Nama. Pun ar we serata mi akkun alukungaw. Sichok ekis katongaw iwe wenewenen mola fan piruu. Iwe ina pwata ngang won winikapei uwa support-uni pual ei ekewil fan iten uwa pusin kuna weiresin ewe fonu Nama ren ar we serata. Kilisou chapur.

**Chairman Nifon:** Chairman Mori.

**Chairman Mori:** Kinisou puan Mr. Charirman. Ika ewe chon aninis ngeni we introducer epwe mwar mwan ekis puan anisie, ai chechemeni mi wor kapasen timing ngeni ewe FY, ei July month has any bearing ngeni beginning of FY. Chairman.

**Chairman Nifon:** Floor Leader Harper.

**Floor Leader Harper:** Upwe pual ii omusomus pwe usap kon lien weweochuti met an ewe introducer intent won ei proposal. Nge ewe kapasen FY, usun ai chechemeni pwe ekoch re mochen epwe fis ewe utut lon summer, fanousn luwa. Nge ren an ekkewe nouwis repwele take office, ar repwele angei ar pwon epwe October 1, meinisin nouwis repwe install October 1, nepoputan ewe FY. Pwe mettoch meinisin epwe poputani puan ma lon minafon FY.

**Chairman Mori:** Kinisou Mr. Chairman epwe ne mwo iei.

**Chairman Nifon:** Vice Chairman Wiliander.

**Vice Chairman Wiliander:** Mi weires ngeniei ei proposal, akaewin ren ei epwe siwin seni March ngeni July. Wewen nge ika pwe iei, sise chiwen eti ewe National Election Day. Usun ei practice kich mi nom won iei. Ei weiresin ngeni chon Tol, ren pekin - lon fansoun ewe ranin Utut, resap chiwen oruni ei Utut fan March, puan Utut July, pun nour en language rekan nounou lon March, rekan chok ura, seni fan tori asan. Ika seni asan tori fan. Iei chok ekis ai weires ngeni ei proposal pun epwe puan siwini mokutukutun utut ngeni State me National Congress non ach we kinikin non Tol. Iwe nge ren ei metoch ren pekin natural, an epwe kinamwe fansoun utut, puan ina eu, usun met Floor a puan wata. Epwe appropriate ngeni ar fansoun, kinisou chpaur.

**Chairman Nifon:** sopoulosono. Vice President Aten.

**Vice President Aten:** Kinisou chapur Chairman. Ngang mi nomw Hawaii non we eu utut, ewe General Election e fis. Iwe mi wor ewe osukosuk nefilen National me State. National e fori epwe fis non - usun non ewe March 3, iwe fan iten mi wor ewe dateline, iwe ra siwini ngeni March 2, me Hawaii. Chuuk State ra osukosuk, chon Chuuk State Election Commission ra osukosuk me Hawaii pun nour annuk mi afatatiw pun epwe March 3, ika metewe. Iwe rese tongeni fiti an National we, pun a fen fat lon ewe date. National mi tongeni siwili ar we, ar repwe accommodate-ni ewe ututun ikeia. Nge fan iten ewe dateline Chuuk State ese tongeni pun mi fat non ei meen. Iwe ngang use silei ika epwe puan iei sakun next year ika. Ese chiwen fiti, nge uwe ekieki chon Hawaii me chon Oregon, me chon meen.

**Chairman Nifon:** Chairman Stephen.

**Chairman Stephen:** Ewer kinisou Chairman, uwe ekis osukosuk ren an Vice nan - ita ai nengeni pwe echok wor osukosuken ewe pun eu ran, echok fis fengen, State and National. Pokiten en international dateline. Iwe National echok mochen the same day. South atmosphere North atmosphere epwe chok fis ewe utut, absentee me

State. Nge State ma the following, wewen merech en following day, pun re fiti ewe date. Nge en, iwe fite maram nefinan, July an State, March an National. Wewen a fen akomw March - National, iwe kich April, May, June, July, 5 months nefinan, iwe ese chiwen matter. The matter of dateline - international date line. Nge metena ufen concern ren, omusano Chairman, fen ii ena 4 years, seni 2 years. Ika seni chok ai tiparoch, iwe uwa awewei pwe the Legislature a four years. Iwe every General Election ien e ura pwe epwe held every two years. Pun re anongonong won ewe House of Representatives. Ina ena anen two years in sequence. Two years General Election, two years General Election, a kuu ewe Governor me ewe use of Senate. Iwe en a tonong 4, iwe ma sa assume-ni pwe ma a chok euu house, iwe a 4 year term. Kinisou omusano tipis.

**Charman Nifon:** Vice Chairman Wiliander.

**Vice Chairman Wiliander:** Kinisou Chairman, ai nuku ma eni ei 4 years sa assume-ni nge sipwe ne ma 4 year. Fen ei osukosuk men och sipwe fen nenengeni ren ei proposal epwe ifan usun ach sipwe ataweei ei osukosuken election. Awewe, March 3, esap ina atun ewe sikan, ewe General Election. The first Tuesday of March. Iwe ika ouwe era first Tuesday, let just say March 4, e weneiti ewe ranin utut me Chuuk, iwe kich sia utut, nge chon Hawaii rese utut. Pwe ese mwo ruanu merer, ir meen chok 3. Kich sie wesino, nge ir ra utut. Iwe ra telephone nge oune chok pinei Willy me Mino, me Peter Aten, pun ir iei ra naponu. Ngang uwe era fen ina och mettoch sipwe nakun nenengeni met epwe tongeni save-ni ren ach ei election process.

**Chairman Nifon:** Vice President Aten.

**Vice President Aten:** Kinisou Mr. Chairman, puan ekis chok, esap chok fan iten ekkewe Election Commission re osukosuk ekkewe chon angangen Election Commission, nge puan chon utut repwan osukosuk non ena ranin. Ra fen utut, sipwe ura ra fen utut ikenai, nge ra miss-ini ar angang me metoch meinisin, iwe nge rese tongeni utut nesor. Iwe napengeni ese watte ewe vote e turn out ren ewe next day, pun ra fen tungor ar ranin asoso lon ena ranin ututun National, nge ese chiwen chommong chon utut me State pun ra fen use their time ika use ar sick leave ika met.

**Chairman Nifon:** Chairman Stephen.

**Chairman Stephen:** Upwe tirow sefan, ai nuku pwii kewe re - eu issue en re fofos won. En chon sangerfese the time of election ren ewe eu ran. Ren en international dateline nge en proposal ese kapasen ewe osukosuken non ewe eu ran. E kapasen en distance non fitu maram an epwe accommodate-ni ekkam natural weathers me metekan osukosuken chon fenapi akaewin. Puan ii lagoon pun ma atun typhoon iei ma kich mi sinei.

**Chairman Nifon:** Chairman Mori.

**Chairman Mori:** Kinisou ren ai upwe chok puan anisi an atekewe kewe poraus.



Usun e osukosuka Chairman Stephen. Metekewe poraus ra apasa in support of ai nuku ren an epwe fis utut fan July, esap fan March. Inan enan re kapasen ai luku pwe Peter ika Vice President e fosun, ren an epwe towawono nefiner, pwe ese tongeni emon esap asoso ikenai, puan utut nesor. Nge ii ai nuku he spoke in support of the July date.

**Chairman Nifon:** Mi puan chiwen wor. Chairman Sitan.

**Chairman Sitan:** Mr. Chairman mi wor ai kapas eis ren ngeni Floor, ren en budget session, ese puan - inet ma e fis en budget session an Legislature, pwe en epwan in - ke puan kapasen epwe kasiwin ewe time ren take office, pwe ai luku pwe eselet ika mi wor popun an epwe iwe ewe date. Ke ura pwe ewe next coming administration epwe part of the budget process or me mwan an eu administration epwe fori budget ngeni - use weweiti an Chuuk budget session. Nge ese fer puan accommodate an epwe fit metena change nge epwe maintain-ni ewe same schedule of people coming to take office are puan fori budget. Kose mochen afata inet Legislature ekan fori budgetin Chuuk State.

**Floor Leader Harper:** Kilisou, Legislature ese puan ii wor an budget session ika, echok ma wor an regular session fan April, iwe ma iei ekan track on, track on, arapakan tori September. Epwap puan pa-pass ena budget. Iwe nge met ei och metoch u mochen pwe epwe ita install nouwis, akaewin, member of the Legislature fan October, pwe met mi fis ikenai, awewe a fis utut fan March, iwe fan April ra take office, iwe ekkewe minafon members of the Legislature re win re tolong nge ese chiwen wor nour allowance. Ekkewe minenom ra wipeout fansoun ar chok nomw. Iwe ita ra ekieki pwe e och ika repwe serve ar we term, tori amuchulon ewe physical Year, iwe a wor ewe - minafon budget for FY - new FY, iwe ekkewe puan minafon nouwis ra tonong, ra poputani ewe monien new FY. Ina eu puan auchean ekiekin ewe October 1, repwe install.

**Chairman Nifion:** Chairman Mori.

**Chairman Mori:** Kose mochen sipwe ekis asoso.

**Committee of the Whole a asoso, a puan poputa.**

**Chairman Nifon:** Mwich a poputa, ika sopoulosono. Kich mi chiwen chok nomw won CP No. 3-22; Floor Leader.

**Floor Leader Harper:** Kilisou Mr. Chairman. Ngang upwe pwarata eu popun me wewen ai pual sani an epwe kamar ei March ngeni July, alongolong won ngang mi kuna pual ekkoch osukosuk. Aewin, ren chon vote lon ewe ran, ekoch reno akomweiti an National Government we lenien utut, iwe fansoun chok ese nom iter won we list noun National Gvoernment. Iwe rese chiwen pual lo fiti an State we, pwe ra assume-ni nge ese pual nom iter. Like wise repwal nóó ren State, ese chok nomw iter, iwe ra pual

rikilo, rese chiwen nóó utut ren National Government. Iwe efen esenipato osukosuk. Iwe nge me lukun ena uwe nengeni nge - ai luku pwe iokewe re fori ewe Constitution lon ewe fansoun, uwe luku nge ew sakun maneuver ewe re pual fori. Alongolong won influence seni member of the Congress. Pwe chon Congress rechok mochen epwe chok fis fan eu utut pwe iokewe potential candidate seni State ika me leni me leni esap wor ar chance ar repwe pual run ngeni Congress. Iwe uwe nengeni nge e rienu netipen aramas, puan rienu nonomun ekkewe ir mi kan pual cabable ar repwe run ngeni ekkewe sakopaten wis. Ina pwata merei a men och epwe imula datein an State an National Government. Pwe iokewe ma ra run lon ew election nge rese win, iwe nge pokiten mi watte aar kewe cabability, iwe met ngawan sipwe pual mut ngenir repwe run lon ewe eu election. Pwe ika pwe repwe win iwe ra fer ma serve lon ewe Legislature ika Congress, ra pual anisi aramas. Kilisou.

**Chairman Nifon:** President Noket.

**President Noket:** Kinisou chapur Chairman. Ngang upwe pwarata netipei pwe ngang mi tipeew ngeni ei amwet seni ewe March ngeni July. Nge eu chok ai question-uni ei 4 years pwe ita merei pwe ei 4 year e katonong fan asengessin ewe anticipation an epwe chok eu imw ewe Legislature. Nge ika echok iei usun an epwe chok 2 imw sefan, ngang use tipeew ngeni en 4 year. Uchok tipeew ngeni metei e fis ikenai, ren 4 year Senate, 2 year House. Nge ika pwe e pass ewe eu imw, ngang mi tipeew ngeni en 4. Kinisou.

**Chairman Nifon:** A naf? Iwe kinisou, a puan naf ach weweiti masowen proposal No. 3-22; Sopotopono won CP No. 3-23; iei fansoun a suk poraus. Floor Leader.

**Floor Leader Harper:** Kose mochen sipwe mwo asoso.

**Mwich a asoso, a puan poputasefan.**

**Chairman Nifon:** Sia poputasefan, iei sia nom won CP No. 3-23; Floor Leader Harper.

**Floor Leader Harper:** Mr. Chairman, ai luku ii ei mettoch ese puan ii wor ach osukosuk ren. Sia chok ma witi ach sipwe nii non Second Reading are amanawa.

**Chairman Nifon:** Chairman Rosokow.

**Chairman Rosokow:** Ika pwe iei ei form sia nounou, iwe mi mwan itechikin fonuwei na. Epwe pacheta R.

**Chairman Nifon:** Ai nuku ena ii mwanin type. Ika enan type writer ese chiwen wor mesen R won. Miwch epwe mwo asoso.

**Mwich a asoso, a puan poputa.**

**Chairman Nifon:** Poputa sefan, ika mi chiwen wor - ese chiwen wor osukosuken ei, pwe ma esap ina epwe lei efituen eniwinin ekkei iten fonu, ika met, mi wor an emon wewe ngaw ren en. Apw, kinisou chapur.

**Chairman Mori:** Ngang uchok mochen epwe fat - wewen nge Delegate Harper echok sign for Delegate Sirom.

**Floor Leader Harper:** Ewer, ina puan eu, echok ii mwan. Ita iwe imi point out lon ewe first reading.

**Chairman Nifon:** Ewer, mi point out non ewe First reading pwe co-introducer. Sia mwetetiwon No. 24, 25. Fansoun a suk memef. CP No. 3-25; Ewer.

**Floor Leader Harper:** Ai luku pwan ei eu proposal amen puan ii simple pwe ma ena chok kapas felony epwan tolong. Sia chok ma molongeni ika sipwe atiwa ika sisap atiwa.

**Chairman Nifon:** Sia puan tipeew pwe epwe ne ina. Iwe kinisou pwe a puan wor ach wewe fengen won ena. Soposo pono, sia etiw won numpa 26. CP No. 3-26, fan iten kaworen ewe Police Commission. lei fansoun a suk memef. Chairman Rosokow.

**Chairman Rosokow:** Ai luku mi tongeni for lon alluk ei mettoch, pwe ien mi fer puan era pwe the responsibility shall be prescribed by statute. Ika pwe ikan ekan responsibility - ese puan wor - ese puan need an epwe tonong lon Chunap. Nge epwe chok nom lon statute.

**Chairman Nifon:** Floor Leader Harper.

**Floor Leader Harper:** Kilisou Mr. Chairman, ika pwe mii enlet ren Honorable Rosokow pwe ese puan wor osukosukan an epwe chok for me lon alluk, iwe ai luku sia puan chok ii molota ngeni Second Reading ika sipwe ma puan aturauu ika amanawa.

**Chairman Nifon:** President Mi wor óm comment.

**President Noket:** Ewer, Mr. Chairman, ita sotosopun chok enan ren use sinei ika ifan intentionun ei proposal. Echok ara pwe epwe created commission. Nge ese apasa met sie wesen mochen an ei Commission epwe fori. Pwe epwe directed-ni ngeni ewe Legislature met repwe fori ngeni annuk. Nge echok era pwe epwe create eu Police Commission epwe prescribe by statute. Met ach direction ngeni, intention-un an wanong ewe Police Commission. Met repwe auwanam ar angang won, ese kon nien fat merech, ina popun ngang upwan tipeew ngeni an epwe for me non annuk pwe repwe pusin afata ika met, osukosuk, met repwe - met commission repwe angang won, ika met sakun napanap epwe fori. Echok era pwe epwe create eu Police Commission. Nge ese afat ika met ar duties me responsibilities.

**Chairman Nifon:** Iwe a ina e, sia chok puan uti ngeni. Iwe sia etiw won Delegate - CP No. 3-27; fan iten ewe Legislature. Mi wor ena 27; CD1. Mi wor ekkewe amendment e tonong, iwe iei a niwiniuu a CP No. 3-27; CD1. Iei fansoun a suk memef. Floor Leader Harper.

**Floor Leader Harper:** Kose mochen sipwe mwo asoso.

**Mwich a asoso, a puan popusefanitan.**

**Chairman Nifon:** Miwch a puan sopoulosono, Floor Leader Harper.

**Floor Leader Harper:** Mi wor ai akasiwin ngeni ena proposal. Ena aukukun membership 33 epwe kasiwin ngeni 28, iwe ena napanapen utut epwe chok seni ma sub-region. Iwe ian epwe wor ian kapasen met mi related ngeni ika fan iten ekkewe pual 5 re kapach ngeni ekkenan 28 an epwe forata 33, meinisin me lon ena proposal epwe katuruu. Second.

**Chairman Nifon:** A mokut puan second pwe ewe nampan membership 33 epwe ekesiwin ngeni 28, sub-region, fengen me met masowen non ena anapanap mi relate ngeni ekkewe 5 epwe koturuu. Sipwe ne utut.....

**Chairman Mori:** Point of Information.

**Chairman Nifon:** Chairman Mori.

**Chairman Mori:** Kich mi utut ach sipwe suspendni ewe rule, an esap wor written amendment.

**Chairman Nifon:** Sipwe mwo asoso.

**Mwich a asoso, a puan popusefanita.**

**Chairman Nifon:** Mwicha a sopoulosono. Floor Leader Harper.

**Floor Leader Harper:** Ewer, kilisou chapur Chairman, ren ach sipwe fiti pungun nouch rule uwa fori motion pwe ewe rule e require-ni written amendment epwe mwo puan suspended. Second.

**Chairman Nifon:** A mokut a puan second pwe ewe rules e require-ni written amendment epwe mwo puan suspend. Chon tipeew ngeni apasa U, chon rese tipeew ngeni apasa Apw. Ewe motion a ponuweta. Ewe rule a mwo suspended. Mi wor ewe motion won floor sipwe disposed off, ewe amendment ngeni ena anapanap fan iten ewe 33 member epwe ekesiwin ngeni 28, ngeni sub-region, me met mi relate ngeni ekkewe 5 mi wor non ena proposal epwe katouu. Chon tipeew ngeni ewe amendment apasa U, chon rese tipeew ngeni apasa Apw. Ewe motion a ponuweta. Continue. Chairman Stephen.

**Chairman Stephen:** Kinisou Chairman, ika ngang mi jpuan tongeni nomw fan nurun ewe tungor an epwe mwo chok puan suspended ewe rule ren written amendment. Ngang upwe mwo tungor ngeni Mwichenap repwe refer ar attention ngeni page 6. Seni line 24, won page 6, ren awenewenen ena impeachment. Ngang umochen sipwe nengeni ochu ena impeachment process pun ina ena ekon fen puan auchea. Iwe ika use pwakin ai upwe minanong eu ai amendment iei, nge ita umochen ena line 27, down to 29 ika ese tongeni totonuno. Ika esap totonuno pun a koon pwan lock down-nuni ena time table won ena meen. Iwe site osukosuk, soukosuka Legislature an esap meet-ni ena dateline. Iwe met a fis ngeni ewe impeachment resolution esap ne void. Souannuk meinisin ir mi tongeni attack-ni.....

**Chairman Nifon:** Chairman Stephen en mi nom won floor.

**Chairman Stephen:** Kinisou chapur Chairman, ika ngang mi pung pwe ngang mii chok nomw fan nurun manamanen ewe tungor pwe epwe suspend ewe annuk, ren written amendment. Iwe upwene fori puan och ai floor amendment, tungor ren line 24, page 6, - line 27 down to 29. Ena e ura pwe **it shall be organize within 2 weeks after the adoption of impeachment resolution, and shall render its final decision no later than one month after its organization.** Ita merei epwe katouu pwe use sinei ika epwe tongeni tawe, use sinei ekkan senator, ika ra experience-ni ar en process ika mi - akon fen neien tam ika en one month, ika efen mochomoch, two weeks after the resolution a adopted. Second.

**Chairman Nifon:** Ka wanong non motion?

**Chairman Stephen:** Ewer, uwa wanong non motion an epwe katauu en.

**Chairman Nifon:** Seni Line 27 ngeni 29?

**Chairman Stephen:** Ewer, epwe chok ma ewe original text, language ika intent. Esap puan wor time table won en impeachment process epwe fix non constitution.

**Chairman Nifon:** Iwe a mokut puan second pwe epwe non line 27 non ena anapanap poputa seni ena kapas it shall be a seni ikena feino tori line 29, unusen ekkena kapas non line 29, poputa seni renter tori organization epwe kotururu me non ena anapanap. Sipwene utut. Chairman.

**Chairman Nifon:** Ewer, Floor Leader Harper.

**Floor Leader Harper:** Kich mi tongeni poraus won ewe akasiwin.

**Chairman Nifon:** Porous,

**Floor Leader Harper:** Kilisou Mr. Chairman, ngang u mochen upwe pwarata miefiei won ai use kon tipeu ngeni ewe akasiwil alongolong won ita me rei nge met ei e nom ikkei epwe eu fen alen amwitiri angang ewe trail ren ewe impeachment usap silei

ika ngang u mwal ai weweiti nge fansoun ewe Governor a impeach iwe usun a temporarily step down seni wisan ewe, iwe nge ai luku ei metoch iei re mochen epwe spito angangen ewe trial ren epwe pungulo mutir ika a guilty ika ese guilty, pwe ika ese guilty epwe pwal mutir tosefalilong lon angang pwe epwe sopweilo met wisan fan itan aramas, ika ese fen wor en time table iwe impossible pwe ekkewe associate justices ika ewe panel remi tongeni track ewe trial iwe a fen forata an ewe Governor epwele disable an esap tongeni exercise an ewe power for the rest of his term. Iwe ina pota me rei e fen och ach sipwe set time limit pwe epwe fen mutir fat pwe ika ma epwe liwin a mutir liwin fori wisan nge ika ma a fen ma tipis iwe a pwal mutir tou a pwal mutir angangen uttut sefal ika ma mi chuen nom on ewe aukukun fansoun an epwe wor uttut sefal ika pwe a less than ma ewe eu year feilo, ina pota use kon fen tipeu epwe katawou ena metoch.

**Chairman Nifon:** Soposopono, porous, Chairman Stephen.

**Chairman Stephen:** Kinisou Mr. Chairman, ewer inan ai na fen concern, inan u era sipwe direct ach attention ngeni en eu kinikin pwe, nge ika pwe ese organize en panel by any way of any reason, ika pwe ese tongeni organize within two weeks. Ika ese render decision within one month, esap wor legal impact won, ren one way or the other. Ika ese meet en time table, iwe awewe chok e, ngang ewe fen Governor u resolved to be impeached. Uwa fen challenge ini ai we impeached resolution wewen epwe deem void, upwene fen reinstated, pun ese fen meet ewe time table so its out one way or the other. Bouble elsworth non ita ai nenengeni. Mi pung pwe - ngang mi weweiti an Floor nan - ngang mi chok vlexible ekiiki ngeni ei meen. Use mochen epwe totally touu, nge u mochen eu mechanism epwe nom ikena, pwe epwe control-uni mandadeni ewe impeachment process epwe feino. Nge esap fen puan pusin self inflict-ni within our language. Ika ese executed for failure of execution iwe a fen puan subject to challenge nge I mi fen ii wor ground. Reasonable ground for impeachment, lon ai kan chok nenengeni. Ewer, ina chok ai na fear, nge I respect Floor Leader's comments for that.

**Chairman Nifon:** Chairman Rosokow.

**Chairman Rosokow:** Nge pwata sise amendni ena 2 weeks ngeni four weeks.

**Chairman Nifon:** Iwe ika ese chiwen wor poraus won we amendment iwe sipwene utut won. Mi wor met omw memef won President. Sipwe ne utut won ewe amendment an epwe touu ekkena fos poputa seni won line 27, feino tori muchulo won line 29.

**Chairman Stephen:** Osupwang mwo Chairman.

**Chairman Nifon:** Met omw osupwang.

**Chairman Stephen:** Ngang uwa omokutu ii pwe upwe ne withdrawni ai we amendment.

**Floor Leader Harper:** Kose mochen sipwe mwo asoso.

**Mwich a asoso, a pua popsefanita.**

**Chairman Nifon:** Sa puan poputa. Pokiten ese - eu error ewe an ei chair ese second ewe amendment ina pwata ese wor manamanan. Sipwene sopouloso discussion won ena Proposal. President Noket.

**President Noket:** Uwa ekiem a naf ii ach discuss won ei sipwap puan sopweno lon plenary. Ina popun ngang uwa tungor ngeni ena sea ach sipwe ne ukutiw. (Second).

**Chairman Nifon:** Iwe a naf ach weweiti, nge ika sia kuna puan met mwirin, iwe sipwap puan atawei non plenary. Iwe sia etiw won ena last item, No. 29. CP No. 3-29. Sipwe mwo asoso.

**Mwich a asoso, mwich a poputa sefan.**

**Chairman Nifon:** Mwich a sopouloso, sipwene etiw won item No. 8, CP No. 3-29, fan asengesin ewe Board of Education. Iei fansoun a suk discussion, a suk poraus, memef. Chairman Rosokow.

**Chairman Rosokow:** Omusalo umochen upwe silei faten enan Section 4, era pwe head of Education Department shall be appointed by the Governor Board of Education with the advice and consent of the Legislature from the 3 top candidates. Ir repwe chiwen iteni chok candidates, ekkei aramas. Ika pwe candidate wewen pwe rese mwo pass, rese mwo pass- wewen pwe ika pwe ra kafinita pwe repwene - ika pwe ir wesewesen chon iwe sisap aita ngenir candidate.

**Chairman Nifon:** Chairman Mori.

**Chairman Mori:** Kinisou chapur Mr. Chairman, ena head of the Department of Education shall be appointed by the Board seni ekkewe unumon top candidates. Iwe ien re ura applied for the position. I nuku that just, ma fos enan nge sipwe puan tongeni ekesiwini - enan use kon weweiti - ewer ngang mi weweiti, enan e ura 3 top, nge ika echok ura nge from among 3 candidates ika, nge enan top, ika 3 most qualified ika.

**Chairman Nifon:** Floor Leader Harper.

**Floor Leader Harper:** Kinisou Mr. Chairman, ai luku chon ewe board usun ir mi recommendni pwe ika sipwe poutauu ena top, epwe chok from among the candidates applying for the job ika metewe.

**Chairman Mori:** Iwe puan eu, Mr. Chairman, ika - usun ita e from among candidates that applying for the position, ika mwo rese qualified ekkewe re apply, nge usun nge repwe ne bound ar repwene submit 3 re apply for the position. Ina met ngang

ita upwe (*inaudible - coughing*) ika pwe ina usun ekiakin.

**Chairman Nifon:** Floor Leader Harper.

**Floor Leader Harper:** Ita upwe fori motion ai upwe puan for amendment, nge use silei ika a ponu metenan osukosuk an Chairman Mori.

**Chairman Nifon:** Chairman Rosokow, a ponu omw we concern ren Chairman Mori?

**Chairman Rosokow:** A luku eselet ika mi chok minor, pwe mii wewengaw ren enan candidate, 3 top candidate. Nge ika pwe rafer hire, iwe pwata sipwe chok eita ngeni 3 top candidate.

**Chairman Nifon:** Resamwo hire rechok screen-ini ekkewe application, iwe ra kuna ekkewe 3 best applicants, iwe ra fini emon me leir. Floor Leader Harper.

**Floor Leader Harper:** Mr. Chairman ngang uwa fori motion pwe ewe rule e require-ni written amendment epwe mwo puan suspended. Second.

**Chairman Nifon:** A mokut a second pwe ewe rules e require written amendment epwe mwo puan suspended. Chon tipeew ngeni ewe motion apasa U, chon rese tipeew ngeni apasa Apw. A suspend ewe rule, sopweno, Floor Leader Harper.

**Floor Leader Harper:** Ewer kilisou Mr. Chairman, ita upwe tungor pwe won ena line me murin ena **among** ena fos 3 top epwe katauu, iwe epwe tonong the from **among the candidates applying for the position**. Epwe chok katauu ena 3 top in liu thereof epwe tolong **the, t-h-e**.

**Chairman Nifon:** Inan enan amendment, enan kapas 3 top epwe katouu me lon ena proposal epwe ekesiwin ngeni The, an epwe **from among the candidates**. Ika mi wor poraus won ewe amendment. Ika ese wor, sipwene utut won ewe amendment an epwe katouu 3 top, tonong the. Chon tipeew ngeni pwe epwe wor ewe amendment epwe iwe ititin, apasa U, chon rese tipeew ngeni apasa Apw. ewe motion a ponueta. Sopotopono, Chairman Sitan.

**Chairman Sitan:** Kose mochen sipwe mwo asoso.

**Mwich a asoso, a puan niwinsefan.**

**Chairman Nifon:** Mwich a poputa. Omw mongungu.

**Chairman Sitan:** Kilisou chapur Chairman a monukuno, an chok epwe on the record, ngang ma ufer sani ika pwe epwe fully autonomous, ewe Director epwe chok appointed by the Board, esap puan subject to consent by the Legislature.



**Chairman Nifon:** Mi chiwen wor poraus won ena anapanap. Iwe ika pwe ese chiwen wor kinisou chapur pwe a puan fat.

**Chairman Mori:** Point of information, Chairman.

**Chairman Nifon:** Tepei.

**Chairman Mori:** Met ewe sii discuss won iei, sii discuss won an Floor Leader Harper, we amendment ngeni ei meen ika sipwe disposeni an Floor Leader we amendment ren ewe 3 top candidates, iwe sipwe utut won usun ina met. Sise mwo utut won.

**Chairman Nifon:** Tipei ita - sisamwo utut won secretary. A wes.

**Chairman Mori:** Sa wes, iwe omusano tipis neman ngang ei uwa wo.

**Chairman Nifon:** Mi puan chiwen wor an emon memef. A ma ii torukoruk ekiek pwe a nununo ei kunok. Ika pwe ese chiwen wor, kinisou chapur pwe a oh Floor.

**Floor Leader Harper:** Uwa fori motion pwe Committee of the Whole epwe ne mwo puan dissolve - niwiniti plenary. Second.

**Chairman Nifon:** A mokut a puan second pwe Committee of the Whole a mwo puan dissolve, ita puan meit utut won nge use ne chok totiw iwe President a tota. Iwe chon tipeew ngeni pwe Committee of the Whole a rise apasa U, chon rese tipeew ngeni apasa Apw. A rise. Mwich epwe mwo asoso.

**COW a asoso, Plenary a poputa.**

**President Noket:** Iei fansoun ita epwe wor ewe report seni we Chairman of the Committee of the Whole. Nge ika pwe mwich e ekieki pwe epwe delay-ni metekewe sia angang won Committee of the Whole ngeni Sarinfan, upwe tungor an epwe wor non motion pwe epwe delay action won ena. Pwe sipwe etiw won nouch en calendar. Mefien mwich, nge ika ese tipengaw mwich, pokiten mi wor ekkewe puan ekkoch met delegate repuan mochen ar repwe fori, ar amendment won ekkewe proposals. Epwe wor fansoun ar repwe ekkiek won seni ikenai tori Sarinfan. Upwe tungor ngeni Floor Leader Harper, epwe fori eu motion pwe epwe mwo - esap mwo wor report won met ekkewe seni COW, sipwene angang won the rest of the Order of Business.

**Floor Leader Harper:** Mr. President, uwa fori motion pwe report-un Committee of the Whole epwe mwo delay, epwap tolong lon Sarinfan. Second.

## **INTRODUCTION AND REFERRAL OF DELEGATE PROPOSALS 7 RESOLUTIONS**

**President Noket:** A mokut a puan second pwe report seni we Chairman seni Committee of the Whole epwe mwo suspended tori lon Sarinfan epwap fori an

angangen report ngeni plenary. Chon tipeew ngeni ewe motion apasa U, chon rese tipeew apasa Apw. A carry ewe motion. Iei sipwe ne sotosopono ach angang won nouch ei Order of Business. Iei sia tori ena item 12. Introduction and Referral of Delegate Proposals and Resolutions. Ina oupwe katon noumi na Referral Sheet No. 3-22; mi pacheta ena Resolution won.

**Floor Leader Harper:** Mr. President, uwa fori motion pwe mwich epwe mwo puan niwinta won Item 11. Second.

### **CONSIDERATION OF RESOLUTIONS**

**President Noket:** A mokut a puan second pwe mwich epwe mwo puan niwinta won item 11 won nouch na Order of Business. Floor Leader Harper, met popun.

**Floor Leader Harper:** Mr. President ita uchok tungor are sipwe withdraw-ni ewe resolution min nom won ena referral sheet ach sipwe angang won.

**President Noket:** Iei sia nom won consideration of resolution, Floor Leader Harper.

**Floor Leader Harper:** Mr. President uwa fori motion pwe ena resolution mi nom won ena referral sheet epwe withdraw seni Committee. Second.

**President Noket:** A mokut a puan second pwe ewe resolution No. 3-19; epwe withdraw seni committee epwe place won ena item 11, of Consideration of Reselution. Ika ese wor chon memef won sia utut. Chon tipeew ngeni ewe motion apasa U, chon rese tipeew ngeni apasa Apw, iei a place ika a withdraw ewe resolution seni Committee 3-19; iei a place won Consideration of Resolutions, item 11 won ena Order of Business. Floor Leader Harper.

**Floor Leader Harper:** President uwa fori motion pwe Convention a passni ena Resolution upwe tungor ngeni Secretary epwe wauu nampan ese wor nei. Second.

**President Noket:** A mokut a puan second pwe mwichenap a passni Resolution No. 3-19; sipwe tungor ngeni Secretary epwe mwo emweni kich ren ena resolution ren wewen. Secretary.

**Secretary:** Mr. President, Convention Reslolutin No. 3-19;

Chairman Mori: Otufichi osupwang Mr. President.

**President Noket:** Met omw na osupwang.

**Chairman Mori:** Kinisou Mr. President, ngang upwe tungor emon epwe wisen aneanau ei resolution pwe ina epwe newenewengaw an ewe secretary apasa ei iit non ei resolution pwe esap an oruni an epwe apasa ei it non ei resolution. Ngang ita upwe suggestni emon epwe read-nauu ewe resolution.

**President Noket:** Seni ena wewe, ei chair mi recognizni ena difficulties an ewe Secretary ese tongeni an epwe puan pusin - mi newenewengaw itan me pusin non awan an epwe readni ei resolution. Upwe tungor ngeni ewe introducer ika ewe Floor Leader, epwe wisen aleanau itenapen ei resolution.

**Floor Leader Harper:** Mr. President kose mochen sipwe mwo ekis asoso.

**Mwich a asoso, a puan niwinsefan.**

**President Noket:** Floor Leader Harper.

**Floor Leader Harper:** Mr. President, to congratulate the Honorable hernak Pual for his successful bid in the Tonoas Muncipiipal General Election and his subsequent election as the Speaker of the Tonoas Municipal Council.

**President Noket:** Kinisou chapur, iei fansoun discussion won ewe resolution.

**Chairman Mori:** Mr. President.

**President Noket:** Chairman Mori.

**Chairman Mori:** Ai nuku ese kon nien wor met sipwe puan porausan won, ngang uwa amokutu pwe a ukutiw poraus won ei resolution fengen - tori an epwe ekesiwin ach amongungun utut ren ach sipwe chok episi ei resolution ika mi pass meren mwichenap. Second.

**President Noket:** A mokut a puan second pwe - ese puan ii wor met sipwe poraus won ei resolution, sipwene utut won won epwe chok wor acclamation won ren ach sipwe apisipis. Sipwe tungor pwe ena - itenapen ena resolution ese chiwen Delegate Resolution pwe epwe ne Convention Resoluton. Secretary epwe take note won ena pwe epwe siwini. Iwe chon tipeew ngeni pwe mwich a passni Resolution 3-19; Apisi. Applause. Iwe epwe nom non record pwe mi anomouse meinisin chon ei mwich ukukun 22 pau mi episipis. Iei Resolution No. 3-19; Convention Resolution 3-19 a katiw. Floor Leader Harper.

**Floor Leader Harper:** Uwa fori motion pwe mwich epwe mwo puan satiw won item 14. Second.

**President Noket:** A mokut a puan second pwe mwiche epwe etiw won item 14, won nouch na Order of Business. Floor Leader Harper.

### **MISCELLANEOUS BUSINESS**

**Floor Leader Harper:** Mr. President, ngang uwa yield ai ei floor ngeni Chairman Sitan.

**President Noket:** A yield ewe floor ngeni Chairman Sitan, iei fansoun.

**Chairman Sitan:** Mr. President uwa fori motion pwe sipwe withdraw-ni ewe Delegate Proposal No. 3- 69; I mean 93, seni committee an epwe place on next meeting day. Second.

**President Noket:** A mokut a puan second pwe Delegate proposal No. 3-93; epwe withdraw seni Committee epwe place won Order of Business non Sarinfan won First Reading. Mi wor - met omw na osupwang, Floor.

**Floor Leader Harper:** Ita upwe chok ii tungor ngeni Chairman Sitan epwe mwo aweve ngeni ei met popun an mwanino lewelewen ewe 93 ngeni 69.

**President Noket:** Chairman Stian, use sinei ika mi.....

**Chairman Sitan:** Ewe ia chok malu, by mistake ina popun uwa mwanila ngeni 69.

**President Noket:** Iwe pokiten - justification pokiten a weekend iwe ina popun a mwanino poraus. Sopotopono. lei sipwe ne utut won we withdrawn seni committee, ika ese chiwen wor poraus won. Chon tipeew ngeni pwe Delegate Proposal No. 3-93; epwe withdraw seni committee epwe placed won first reading won Order of Business non Sarinfan. Chon tipeew ngeni apasa U, chon rese tipeew ngeni apasa Apw. A ketiw ewe motion, a withdraw ewe proposal 3-93; epwe place won Order of Business non Sarinfan. Chairman Rosokow.

**Chairman Rosokow:** Mr. President uwa fori motion pwe proposal 3-44; epwe puan withdraw seni committee. Epwe place won First Reading on Monday. Second.

**President Noket:** A mokut a puan second pwe Proposal No. 3-44; epwe withdraw seni committee epwe puan place won Order of Business on Monday, First Reading. Mi wor mefien emon me mwen ach sipwe utut.

**Floor Leader Harper:** Osupwang.

**President Noket:** Met omw osupwang, Floor Leader Harper.

**Floor Leader Harper:** Ita upwe kan chok ii tungor ngeni Honorable Rosokow, ika epwe kan chok wauu itenapen enan Proposal.

**President Noket:** Chairman Rosokow, kopwe apasa metena Delegate Proposal e apasa.

**Chairman Rosokow:** Ewe indelectual right.

**President Noket:** Iwe sipwe ne utut, chon tipeew ngeni pwe Delegate Proposal No. 3-44; epwe withdraw seni committee epwe place won order of business on Monday, for First Reading. Chon tipeew ngeni apasa U, chon rese tipeew ngeni apasa

Apw. A pass ewe motion. DP. 3-44; epwene withdraw and place won first reading on order of business on Monday. Floor Leader Harper.

**Floor Leader Harper:** Kinisou chapur Mr. President, ngang uwa fori motion pwe mwich a sareno ren ikenai, niwinsefan kunok 10:00 lon Sarinfal. Second.

**President Noket:** A mókut a puan second pwe Mwich a sareno ikenai, epwap niwinsefan kunok 10:00 esap kunok 10:30 non Sarinfan. Chon tipeew ngeni ewe motion apasa U, chon rese tipeew apasa Apw. A ketiw ewe motion. Mwich a S-A-R-E-N-Ó tori kunok 10:00 non Sarinfan.

Katonong seni,

\_\_\_\_\_/S/\_\_\_\_\_  
Hernak Paul  
Secretary  
Third CSCC